




O Majmuni sar Sudija

übersetzt von Kasm Cesmdi



Angleder, ked sa o zivotinje pirde slobodno hem hari olendar ko manusa zivinde, zivinde ko Cer jekje Candeskoro jek Cucel hem jek Macka. Jek dive dobingja o Cando jek Torta baksisi.

So ikljilo avri ando cer muklja e Torta ko sigurno so sasa e pal ko zido.



E Macka pratingja e Cande but sukar, samo so ikljilo taro Vudar, e Macka hutingjapes ki korpa, koja sine anglo o Cami hem odotar ko astali hem odotar hutingjapes upri Phal.

E Baskija na sine sorale bas. Odoleske hem e Phal e Tortaja hem e Mackaja pele ki Phuv. O Cucel sovavno paslilo ko Kham hem acikerja pe Gasda.




Kotar sa odoja Galama darandilo o Cucel hem prasdandilo ani Soba.

Ked mirisingja e Torta koja sine e Mackakere Najende, hutingjapes upre late hem mangla te lel latar e Torta. E Macka braningjape hem kuslale ko Nak. O Cucel jaucinca.



Jek Majmuni versbinca ko Sido e Bahcakoro hem dikla taro o Cami. „Soske marenatumen ko asavko zuzo Vreme?“, puclalen.

O Cucel basel holjamo: „odoja corka Macka corgja amare Gasdaskiri Torta.“ „So interesini tut odova?“ pucela holjami i Macka. „Di tu kandivalo pasliljan ko Kham, me but mucingjuman. Me sasluzingjum mange mukaja e Torta.“ „Biladjutni, sebicno Macka“ pengja o Cucel. „tu mislingjan ka saj te has korkori e Torta? Odoja Torta amere gasdaskiri. Odoleske hem man isiman jek pravo ki odoja Torta.



„Prestaninen te marentumen.“ Pengja o Majmuni. „Nane li e Torta dovolno tumenge dujecenenge? Dikava odote ko astali jek Waga. Me ka ulavav tumenge e Torta ko duj isto kotora.“

E Macka hem o Cucel dogovoringjepe.



O solduj pratinena sar o Majmuni civelajek kotor ki jek rik hem o aver kotor ki aver rik e Wagakiri. Jek Rik e Wagakiri peli tele.

„Akava kotor paro“ vakergja osbiljno o Majmuni paglja disave kotora hem civgja peske merakoja ano muj. Cucel hem i Macka diken sar e Wagakiri Rik pohari ustel.

„Akana i Sukar“ vikingja o Cucel.



„Na” vagergja o Majmuni ostro. „E Tortakoro Kotor si hala paro. Ma te penen mange da sijum me jek hovavno Sudija.“ Akale lafjencar pagla peske panda jek kotor Torta hem civgjale peske ano muj.

Akana paglja peske pobut e Tortatar hem okoja aver Rik tari i Waga peli tele.

O Majmuni vekergja nesave nerasmusna lafija hem pocmingja te pagel peske jek po jek kotor hem civela len peske merakoja ano muj ci kaj paslon o duj rikije e Wagakere.



Ano paluno momenti lela peske palem jek po baro kotor odoleske e Wagakiri Rik palem ustili. Odoleske mora sine te pocminel pi buti panda jek drom.

Odova natavingjape ci e Waga tari jek Strane sine prasno a tari aver Strana sano jek tikno Kotor tari Torta.



O Majmuni sine holjamo hem akostape palem e Cuceleja hem e Mackaja: „ko asavke sitnice akosenatumen mucinenaman me te ovav tumaro Sudija? Te ladzan tumen! Te oven tumen rahati me ka hav korkoro o kotor.“

Hem o paluno kotor civgja peske ano muj hem nasla taro Cami. O Cucel hem i Macka dikle sar diline pali leste.



„So ine tut odoljestar!“ jaucinol holjami e Macka. „Soske sijan bari cicijaska tu“ vakerel olake o Cucel h em iringjape pe taneste ko Kham.

„Nasti te pagja vise upre nikaste“ vakergja o Cucel hem lela le e Lindra.



O krajo